



ՀԱՅԱՍՏԱՆԻ ՀԱՆՐԱՊԵՏԻԹՅՈՒՆ ՎԱՅՈՑ ՁՈՐ ՄԱՐԶԻ ԵԼՓԻՆ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Վայոց Ձորի մարզ
Ելփին համայնքի հեռ.098-86-01-34

№ 18
17-03-2016թ.

ՀՀ ՎԱՅՈՑ ՁՈՐ ՄԱՐԶԻ ՄԱՐԶՊԵՏ
ՊԱՐՈՆ Հ.ՍԱՐԳՍՅԱՆԻՆ

Հարգելի մարզպետ

Ձեզ ենք ներկայացնում Ելփին համայնքի ղեկավարի 2015 թվականի մեկ տարվա կատարած աշխատանքի հաշվետվությունը կայացած 16-03-2016թ-ին :

Առդիր 3 էջ

Համայնքի ղեկավար



Խ. Ավետիսյան

Քաղվածք Ելփին համայնքի ղեկավարի

մեկ տարվա՝ 2015 թ. կատարած աշխատանքի

հաշվետվությունից կայացած 16-03-2016 թ.

Նիստին մասնակցում էին՝ ՀՀ Վայոց ձորի մարզպետարանի աշխատակիցներ՝ կրթության վարչության պետ Ա. Ղազարյանը, սպորտի և մշ. բաժնի պետ Ա. Հովհաննիսյանը, համայնքի 53 անդամներ:

ՀՀ Վայոց Ձորի մարզի Ելփին համայնքի ղեկավարի 2015 թ. տարեկան հաշվետվությունը համայնքի ազգաբնակչությանը

Հարգարժան համագյուղացիներ, հարգելի ավագանի, հարգելի հյուրեր Վայոց Ձորի Ելփինի համայնքը եղել և մնում է մարզի առաջատար գյուղերից մեկը, սակայն ինչպես մնացած համայնքներում այնպես էլ մեր համայնքում տարիների ընթացքում կուտակվել են խնդիրներ, որոնք պահանջում են իրենց լուծումները:

Հաշվետու ժամանակաշրջանում ես ցանկանում եմ ներկայացնել այն հիմնական խնդիրները, որոնք առկա են համայնքի տարածքում, և ան կատարված աշխատանքները, որոնք կարողացել ենք իրագործել:

1. Գյուղատնտեսություն

Այս բնագավառում 2015 թ. հաշվետու տարին կլիմայական տեսանկյունից եղավ բավականին բարենպաստ: Կատարվեց շուրջ 160հա գարնանացան գարու ցանք: Նպաստավոր պայմանները հնարավորություն տվեցին պտղի և *խաղողի առատ բերքի ձևավորմանը:*

Գյուղապետարանը կարողացավ ձեռք բերել 4 տ գարու սերմացու, հողագործներին հնարավոր եղավ ապահովել 40 տ ազոտական պարատանյութով /6000 դրամ/, և 15 տ դիզելային վառելիքով /1 և 350 դրամ/:

Ելփինի համայնքի համար որպես գերխնդիր եղել և մնում է ոռոգման ջրի, ոռոգման առուների և խողովակաշարերի անմխիթար վիճակը: Չնայած որ գարնանը կազմակերպվեց և վերանորոգվեց ռազի առվի խողովակաշարը, մաքրվեցին մայր առուները, բայց դա չատ քիչ է ազգաբնակչությանը կանոնավոր ոռոգման ջուր մատակարարելու համար: 2015թ ԱՄՆ ՄԶԳ-ի կողմից ֆինանսավորվող „Ֆուլեր Տնաշինական Կենտրոնի և Հեֆեր Փրոջեքթ Ինթերնեյշնի,, հայկական մասնաճյուղի կողմից իրականացվեց

„Լեյլանի „ առվի ինքնահոս ջրատարի կառուցումը , շուրջ 21 միլիոն դրամ,որից մեր ներդրումը 2.26միլիոն: Ոռոգման կազմակերպման վրա բացասական է ազդում նաև ջրօգտագործողների միությանը չանդամագրվելը:

Հաշվետու ժամանակաշրջանը անպաստ էր և նաև անասնապահության համար:

Հիմնականում խնդիրներ եղան արտադրված գյուղ. մթերքների իրացման հարցերում :

2. Խմելու ջրի մատակարարում

Այս բնագավառում ազգաբնակչության շուրջ 95 %-ը ապահովված է շուրջօրյա խմելու ջրով , կան որոշակի խնդիրներ ջրատարների անխափան աշխատանքների հետ, մատակարարվող ջրի որակի հետ՝ չնայած , որ ջրերը պարբերաբար ենթարկվում են հետազոտման : 2015թ . վերանորոգվեց և տեղադրվեց համապատասխան բաժանարար „գասպարի աղբյուրի „ վրա , շուրջ 35 ընտանիք ապահովվեց մշտական խմելու ջրով : Վերանորոգվեց նաև Գնդասարի ջրատարի աջ թևի 1կմ հատվածը, որն օգնեց այդ ջրատարից օգտվող ընտանրքներին կանոնավոր ջուր մատակարարել:

3. Կապի հաղողակցման ծառայություն , էլեկտրամատակարարում

Համայնքը գրեթե լիովին ապահովված է կապի միջոցներով :

Խնդիրներ կան էլեկտրաէներգիայի մատակարարման որակի բնագավառում:

Հնացած են հենասյուները , անհամաչափ է բաշխված տրանսֆորմատորների ծանրաբեռնվածությունը , որն էլ բերում է ազգաբնակչության արդարացի դժգոհությանը :

Կամաց կամաց վերականգնվում է գիշերային լուսավորվածությունը:

4. Ճանապարհներ , կամուրջներ և այլ կոմունիկացիաներ

Հաշվետու ժամանակաշրջանում որոշակի աշխատանքներ տարվել են ճանապարհների խճապատման , փոստային աշխատանքների բարելավման ուղղությամբ:

Համայնքապետարանի հսկողության տակ են կամուրջները :

2015 թ. ապրիլից ամեն շաբաթ և կիրակի կատարվում է աղբահանություն :

5. Կրթություն , մշակույթ, սպորտ

Կրթության բնագավառում վիճակը բավականին բարվոք է , ավարտվել է շենքի հիմնանորոգումը 2015 թ. ավարտին հասավ բակի հարդարման աշխատանքները: Վատ վիճակում է գտնվում մշակույթի տունը, անհրաժեշտ է կատարել ներքին հարդարման աշխատանքներ չունենք համապատասխան

գույք : Չնայած մեր գործադրած ջանքերին ֆինանսների բացակայության պատճառով այս խնդիրները չեն լուծվում :2014 թ. հոկտեմբերի 2-ին առաջին անգամ մեծ շուքով նշվեց Ելփին գյուղի վերահիմնադրման 186 ամյակը: Կայացվեց որոշում այդ տոնը նշել ամեն տարի հոկտեմբերի առաջին շաբաթ օրը :

6. Ելփինի համայնքապետարանի աշխատակազմ

Հաշվետու ժամանակաշրջանում բնակչության կողմից համայնքի ղեկավարին է ուղղվել տարբեր բնույթի 44 գրավոր դիմում բողոք ,որոնցից լուծում են ստացել 38-ը , ընթացքի մեջ են 6 դիմում :Ստացվել է նաև 22 բանավոր դիմում ,որոնք ստացել են համապատասխան լուծումներ:

Գյուղապետի կողմից կազմակերպվել է քաղաքացիների ընդունելություն ;

Հաշվետու շամանակաշրջանի համար նախատեսված բյուջեն եկամտային մասով կատարվել է 27694.3 հազ. դրամ, 97.8 %-ով, ծախսային մասով՝ 27752.7հազ. դրամ, 96.6 %-ով:

Հարգելի համագյուղացիներ Ելփինի գյուղապետարանը միշտ պատրաստ է լսելու համայնքի բնակչությանը համայնքն էլ ավելի հզոր և կայուն դարձնելու նպատակով :

Համայնքի ազգաբնակչությունն առաջարկեց համայնքի ղեկավարի հաշվետվությունն ընդունել ի գիտություն և առաջարկեց աշխատել հետևյալ խնդիրների վրա , որոնք հրատապ լուծում են պահանջում:

-բարեկարգել ճանապարհները

-կազմակերպել ոռոգման և խմելու ջրերի անխափան մատակարարումը

-ապահովվել 2016թ. բյուջեի կատարումը

-ավարտին հասցնել ինքնահոս ջրատարի կառուցումը